

鄞縣志
(光緒)
九

鄞縣志卷四十二

人物傳十七

皇朝二

陳錫嘏字介眉學者稱怡庭先生續耆舊傳生而夙慧入小學時使之

屬對應聲奇中讀孟子至百里奚不諫輒作論非之年十五補

博士弟子黃宗義撰墓志少貧授徒嘗應定海令之聘邑人知令雅重

錫嘏以是求關說者無虛日錫嘏在署數年未嘗一應受學於

黃宗義鄭梁撰行狀集同志為講經會窮經論道有固執詰難者不

遷折之徐以微理辨證無不心服聞康熙十四年領浙解明年

成進士改庶吉士授編修浙江通志奉

命纂修皇輿表鑑古輯覽二書行狀○案曹錢二志敘纂書於同

得分校禮聞舊志誤又案翁叔元自撰年譜康熙戊午修皇輿

表以各省凡例不一副總裁張玉書葉方霽各分閱七省以一

人爲之副副張者叔元副葉者陳公也書成進呈會講官員缺
戊午爲康熙十七年則信在同考前矣

上引見詹翰諸臣獨命錫嘏至前細詢履歷奏對良久舉朝咸屬

目之

墓志

十八年充會試同考官

清秘述聞

錫嘏固老於場屋視人文

字珍重不敢忽略卽不中式者亦必詳其故而後落之

墓志

所識

拔多耆宿以父文負年七十遂告假歸

門志

錫嘏在長安三載淡

泊與布衣時不異嘗畏寒欲作一被一裘而不能然外吏有註

誤者奉千金求排解笑而謝之及旋里杜門郡邑守令想望丰

采未嘗妄通竿牘時甬上經會中輟錫嘏修舉故事視昔加盛

行爲人和平樂易

續耆舊傳

從事於格物致知之學嘗謂一事一物

苟精神不到則此心危殆不能自安

錢志

而氣稟羸弱自其爲諸

生授徒餬口弟子旣眾惟恐一人失學窮日講授矻矻不休雖

背偻而不卹又處身冰雪而三黨恩意友朋緩急不敢以力絀

自解為詞臣時公堂館課○案錄志私室橫經書簡客席屏當

率至夜分病中猶隱几危坐不釋丹鉛竟以此致疾卒年五十

四曹子汝咸有傳

萬言字貞一號管村

萬承勳撰先府君墓志

斯年子生而穎異特達曹少與

諸父斯大斯同學於黃宗羲

浙江通志

以古文明

國史附萬斯大傳

宗羲極

賞之

錢

謂屈指後起作者惟言與慈谿鄭梁二人

曹

斯同亦曰

使我有汝筆班馬不難企也

錢

同里講經之集策諸儒先之說

參酌異同議論每奪席

曹

康熙十四年中副榜考正紅旗教習

期滿需次知縣

墓

明史館開總裁徐元文特薦七人言與焉

曹

十九年應

召纂修食翰林院七品俸兼修盛京通志一統志

墓

言在史館性

鯁直不肯徇所干

全祖望撰陳卜年墓志

獨成崇禎長編

國史附傳

楊嗣昌孫

乃系

人物傳十七

挾要津札乞於嗣昌傳少寬假有運餉官以棄餉走死求入死

事之列竝力格之以此得罪貴人錢志二十七年授五河知縣墓志

縣瀕大河修築塘堰蓄洩以時日與諸生講道論藝文敘事興

訟獄平允苞苴屏絕各院司將以廉能首薦而制府嫉其剛直

改置計典論罪仕路交遊為醵金贖免曹志竟以憂憤病廢文亦

播遷多散失萬承勳先墓告成祭文所學弗竟人咸惜之曹志子承勳有傳

胡德邁字卓人一字鹿亭文學子康熙十六年舉人選中書科舍

人掌科事全祖望撰神道碑考選江南道監察御史巡視北城有豪棍

宮某強奪唐某之室復有良鄉莊頭某豔某妻色姣欲以債得

之德邁為理其冤重獲完聚改視南城有因索逋致命者同官

屢讞未決其人用計求免德邁廉得其情執法無少假曹志歷掌

山東山西陝西河南諸道管理登聞鼓院稽察錢局所上奏疏

皆有關於國計民生而最有關係者其一以丙子夏江南督臣
題畱知府在任守制德邁言

聖世首崇孝治不應違例妄題仰懇天語申飭以維人道之大經

○案續者舊傳德邁官御史力爭權督奪情事至奉諸責屹不少動附注之其一以丁丑春言

聖主求賢若渴臺省風聞之禁宜加寬宥以作敢言之氣時以爲

有古諫臣之風他如請發積貯以卹民加矜慎以平刑禁計典

大吏之斂索皆名言也丁內艱神道碑四十八年鄭梁撰胡侍御壽序再補

浙江道御史掌河南道神道碑五十二年陞順天府丞職司學校

所識拔皆一時雋望曹志卒於官年五十六神道碑德邁爲人長厚

初庶母汪氏與其生母洪氏有怨父歿後訟於官妄稱正配欲

洪下之訟雖不得直而父產爲汪所去數十萬德邁既貴以其

父之所愛坦懷待之續耆舊傳及德邁卒而汪氏尙存慟哭曰吾悔

當日之爲人所賣也德邁童時已工詩父友李鄴嗣器之神道

兼精書法秩至列卿被服儒雅曹志所居野意園極花木之勝續者

舊傳義禮敦篤里黨蒙其惠者不可屈指子銘碑舉人知南充縣

神道碑○案四明談助充誤光

黃子高字天如一字愧吾康熙十七年舉人援例授中書

以親老就常山○案三補者舊傳誤長山教諭遷沐陽知縣縣額海時有水

患地多衝陷民逃亡爲詳免虛存丁糧政務平恕以憂去再補

高陵未任卒兄道成兩浙輟軒錄字南吉歲貢性孝友能詩三補者舊傳

陳紫芝字辨園玉綸子性純篤事長兄金芝如父白首無閒言曹志

從黃宗義講學與同邑陳錫嘏仇兆鰲相切磋存稿中康熙十

八年進士拆卷時主考葉方靄喜曰浙東名宿也奏入館選旋

以親老歸省丁外艱服闋改御史卓然以風紀自任時外僚分

遺京署者名爲書帕於科道官尤加重紫芝獨峻拒不納曹志

視南城有鄧二者張酒食肆以妓爲囚私置囹圄誘良民入室

恣勒索不遂卽禁繫之甚有致死者而蹤跡詭祕又以賂遍給

官吏人莫能詰紫芝訪得其事遣役捕之一訊而服關說者踵

至不聽卒置之重辟檇庵稿嘗上疏謂朝章國典宜歸畫一民間

冠婚喪祭尤未有定制請編纂禮書頒行兩浙輶軒錄又疏乞裁併

屯衛大指謂屯衛始於前代今名存實亡而其籍掌於衛官有

司不預知檇庵稿請以屯務屬州縣則錢糧可稽地畝可核逃盜

可清事下部議允行曹志是時封疆大吏多由閣部保舉湖廣巡

撫張沂大學士明珠所私也恃勢不法臺垣無敢糾之者檇庵稿

二十七年曹志紫芝具疏劾沂且請罪其保舉之人疏將上有大

臣力止之不可

聖祖已遙望見命上殿卽出疏因面啟其罪

上領之且曰滿朝爲所賄屬爾小御史乃爾敢言

樗庵稿

爲連聲呼

好御史翌日面諭九卿卽與內陞補四品卿而降黜保舉湖撫

大僚十餘人轉奉天府丞兼督學政力絕請謁專拔孤寒疏請

葺學宮遷荒土置學租設教習部議允其二陞大理丞每讞獄

慮囚寢食俱廢稍涉矜疑者卽爲駁正平反居半

曹志

在廷多側

目因其以峭直承

上知無如之何

樗庵稿

一日於朝房值明珠延坐進茗飲之歸至寓

暴卒

萊州府志郭琇傳

年六十一

曹志

子蕃雍正四年舉人

四明談助

陳赤衷字夔獻號環村幼而力學爲諸生自以學問之道非場屋

可究竟乃入天井山與苦行僧屢淹歲月豁然冰解歸而返求

之六經

黃宗羲撰墓志

執贄於黃宗

羲曹志

爲高弟授戢山人譜紹其絕

學果堂復勘爲講經會搜故家經學之書與同志討論得失一

義未安迭互鋒起思至心破往往有爲先儒之所未發者康熙

十九年以貢入都時徐乾學之門巾卷如林赤衷至獨以淵儒

碩學待之令其子弟稟學焉墓志由是公卿爭欲延致赤衷作貞

女篇卻之曹志竟窮老卒於京邸年六十一○案萬言撰徐相國逸事狀陳明經赤衷

客部中殷朝貴家方謀出諸外舍始議殮送之具相國至哭之哀主人感動遂卽書室行事赤衷勇於爲義

急難窘助不惜宛轉以行其志人亦以此歸之墓志其一時同人

已仕者有范光陽陳紫芝陳錫嘏萬言仇兆鰲未仕者有萬斯

選斯大斯同斯備董允珫道權張士垠王之坪張汝翼九英陳

自舜陸鑒李開俱別有傳他若錢漢臣魯恭張璧薦九林陳和

仲寅衷○案果堂文鈔高揆采宇亮黃旦暉道暉張有斯錫琨

輩亦復佩服六經質有其文溯叢山之學脈仰證人之成規皆

赤衷爲之開其溝洫也故甬上語經學者必首推焉曹志

張汝翼字旦復一字學庵續者舊傳少善讀書李鄴嗣雍母葉氏授以

大學衍義由是有志於聖賢之學胡文序孝友益著稱名諸

生雍睦堂記黃宗羲之甬上遂請業焉講經之會諸人談辨鋒起徐

以一言折之聞者皆意慙宗羲每稱之曰張旦復篤行君子也

文稿序

李暉字寅伯一字東門鄞嗣子少時曾豫證人之社負才氣文詞

倚筆立就黃宗羲見其詩曰是能獨開生面者全祖望撰墓志與鄭性

謝緒章萬承勳倡和號四明四友兩浙輶軒錄性好遊而喜客四方

之士至甬上無不叩李氏暉待之各以其差無爽者百函並發

半面不忘自朝至暮不以爲倦尤畱心甬上水利時時爲當道

言之卒年七十五墓志子世法字甘谷詩尙性靈能紹家學全祖望撰

墓版
文

陸鋈字鈐侯銓元孫

畱補堂集

從學黃宗羲預於證人講社工詩與族

兄鑒竝有名稱二陸鑒詩敦重沈厚不墮於時風以明經終鑒

字上貢諸生爲人廉靜當時目爲小放翁

續耆舊傳

錢廉字稚廉號東廬啟忠子少孤以從兄肅樂舉義家被籍母挈

之避兵杭州依外家遂從外家之姓爲高氏事定始復姓長而

勵志讀書從黃宗羲講學而廉才氣橫溢思爲王霸有用之學

以見於世自象數兵法地險無不推究大學士傅以漸嘗欲薦

爲中書舍人不就耿藩之亂康親王提軍至浙總督李之芳固

出啟忠門下延廉問策廉授以祕傳火攻之法皆按壬遁支干

行之師遂有功王命敘廉從征勳授官以母老固辭之芳亦欲

薦之廉中夜遁去

全祖望撰墓表

先是啟忠卒廉甫三歲懼先德不彰

得父釋褐後請復魏忠賢所毀天下書院一疏并與鄒元標劉

宗周往還筆札欣然曰是可以知吾父矣裝成卷軸徧乞銘傳

父有妾葉氏守志祝髮及卒廉歸骨附葬以完其志姊寡無依

終身迎養友陳一韓死撫其孤課之有成見義勇為不渝然諾

晚年躬耕教子自呼東臯上農曹志卒年五十九墓表○案原作

卒於康熙戊寅廉詩豪岸如其人錢志子中盛字又起號苟庭太學生全祖

望撰工詩文古辭范從律撰墓志喜考索掌故錢志全祖望續甬上耆舊

詩中盛日向諸家訪求即其集不可得而片詞隻句足以入選

則大暑走烈日中窮冬冒風雪重趼不惜也全晚年益畱意於

聲詩拈韻命題晨夕不倦墓志際盛字在德號近材貢生兩浙輶軒錄

早受詩法於鄭梁蔣傳晚與全祖望萬經交最契一時名流詩筒

往還無虛日德盛字容愚號虛齋諸生亦能詩輶軒錄

李涵字敏公

曹志

一字澹夫

續者舊傳

文純孫夙負奇志不喜爲章句學

值三藩變起遂仗劍入閩以策干總戎設伏掩賊於江東橋上

殲擒無算未幾總督姚啟聖攻賊澎湖涵坐戰船乘風鼓浪直

犁其穴臺灣平授左都督

○案續者舊傳作都督僉事

餘孽未靖兵部尙書

王隲謂涵曰此輩烏合難可力勝必得儒將饒智略者非君不

可涵受命密遣閒謀誘其渠魁潛入內境不煩一矢就而擒之

曹志康熙三十三年

漳浦縣志

以功授漳浦遊擊邑多嘯聚爲盜涵於

諸鄉各立一練總遇失事責有所歸自此盜皆屏迹

曹志

又與漳

浦知縣朱自陞捐俸修雙溪堤

陳汝咸修雙溪堤記

旋攝海澄篆時平和

方患土寇訛傳有數萬眾將薄城制府檄漳州八營兵往援涵

聞之投袂起曰兵貴神速迅雷不及掩耳亦一奇也遽領帳下

卒星夜抵平和界銜枚疾馳七十里鼓譟而進賊睡夢中驚起

昌泉

昌泉

竄走縛其魁賴立等餘悉縱遣爲良民適有以萬金請給信符

委緝餘盜立斥還之擢提標中軍參將改福州旋題督標中軍

副將

○案續者舊傳作總

遇艱哀毀遂病不起

○案續者舊傳作卒於官弟

潯

○案國朝談助潯作濟

字修仁風流儒雅歷佐戎幕

曹志

子昌泉

○案談助誤作

姪

字復琦

談

少便弓馬雍正初中武舉

錢志

總督李衛

與其父有隙契招令効力戎伍間謝弗應

蔣傳

喜填詞援筆立就

嘗入京飯逆旅有二孝廉方分韻賦詩見昌泉佩決拾衣短後

衣意輕之不爲起昌泉問所限韻立成二詩孝廉大驚揖請署

姓名不答卽上馬馳去其豪邁如此

錢志

晚年兼工繪事山水人

物善用淡色精雅絕倫圖後署款每稱十洲三島散人

談助

昌泉

兄昌漳亦能詩

續者舊傳

孫恭寬字栗齋乾隆十五年舉人授海鹽

教諭訓諸生以立身砥行俸滿擢知廣東連山縣民猺雜居動

輒械鬪恭寬中條教嚴約束并擇耆老俾以文字導其子弟桀
驚漸化爲循良值行邊早起觸瘴卒室橐蕭然民感其廉明集
賻贈之始得歸葬周志恭寬子承道承蓮別有傳

仇兆鰲字滄柱

浙江通志

父遵道諸生潛究理學啟迪後進賢俊多出

其門卒年八十一

聞志

兆鰲登康熙二十四年進士廷試策問官

方及海禁兆鰲言官方有保舉徇私之弊開海宜捐利以與民

讀卷官楊雍建大稱賞之選庶吉士授編修

年譜

二十七年充會

試同考官

清祕述聞

預修一統志復預修明史直南書房三十三年

乞假歸

年譜

邑令議以丁糧併入田稅邀紳士公議兆鰲言楊炎

兩稅已合租庸爲一後世又加口率之賦今又併丁於田後來

得無別增力役以病民乎是時無田之民利於更法羣聚兆鰲

宅毀其外牆而持議不少變

錢志